

P. 32, L. -2【甲初】參考本書科判，p. 32：-2 甲初通敘迹本兩門。p. 76：3 甲二別說迹本兩門。p. 675：-7 甲三流通迹本兩門。

P. 33, L. 2【五事】1 所聞(法體一信成就)，2 能持(人一聞成就)，聞持和合(時成就)，3 從聞之人(佛一主成就)，4 聞持之處所(靈鷲山一處成就)，5 聞持之伴(眾成就)。

P. 33, L. 4【阿歐】梵語 au。又作阿漚、阿優、阿謳。a(阿)，無之義；u(歐)，有之義。外道於經典之首，必書此二字；對此，佛教則用「如是」二字起首。
～《佛光大辭典》

P. 33, L. 5【此二為本】《淨名玄論》卷 6：「佛法中五百論師執有。聞畢竟空。如刀傷心。方廣執無。不信因果。又九十六種外道所執。不出有無。」(T38, p. 894, a29-b3) 子璿《金剛經纂要刊定記》卷 2：「外道意云：萬法雖異，不出有無；置之經初，以之為吉。以初吉故，今中後亦吉。今則不爾，故云異邪。」(T33, p. 186, b6-9) 《中論》卷 1〈觀因緣品 1〉：「諸論師種種說生相。或謂因果一，或謂因果異；或謂因中先有果，或謂因中先無果；或謂自體生，或謂從他生，或謂共生；或謂有生，或謂無生。如是等說生相皆不然。」(T30, p. 1, c15-18) 《中觀論疏》卷 3〈因緣品 1〉：以有為因，能生諸法；以無為因，能生諸法。問：此是誰義？答：內外法中具有此執。外道中有二師：如服水外道，計水能生一切萬物，即是從有生也。口力外道，計太虛能生四大，四大能生藥草，藥草能生眾生，此從無生也。佛法中亦有此計。如琛法師，計諸法本來是無，從無生有，即是無生也。地論人，計本有佛性，從此能生萬物違順等用，謂從有生。」(T42, p. 36, b6-16)

P. 33, L. 6【順則師資之道成】《法華經玄贊要集》卷 7〈序品第一〉：「有信之人所言順。道理若順。便有能說之人能為師。所聽為資。資順於師。師順於資。既若相順。則師資道成也。」(X34, p. 316b2-4) 「信」者，言語一定是順性、合理，合於心性之理、真理。這才能說教學成就、師資道成。

P. 33, L. 8【能詮、所詮】

			藏	通	別	圓
如	能詮一文	佛	俗文	空色不異	出有入無 出無入中	真如法界 徧一切處
是	所詮一理	阿難	真諦理	即事而真	從淺至深 悉皆無非	如如不動

P. 33, L. -3【從淺至深】次第三觀。出有入無＝從假入空觀。出無入中＝從空出假＋從假入中觀（觀空不住於空而出於假→中道第一義諦觀，雙遮雙照二諦）。初觀「空」生死，次觀「空」涅槃，此之二空為雙遮之方便。初觀「用」空，次觀「用」假，此之二用為雙照之方便；心心歸趣入薩婆若海，雙照二諦。《觀經疏妙宗鈔》釋云：觀空生死、空涅槃，則見思、塵沙二惑忘盡，心無偏著，故得為雙遮方便。復因次第用於二觀，觀其二諦，故得為雙照方便。由於方便立，圓觀可修。～《中華佛教百科全書》

P. 34, L. 2【漫漫】1. 廣遠無際貌。2. 遍布貌。【永永】長遠；長久。～《漢語大詞典》

P. 34, L. 6【悉是因緣生法等】於此作四教「觀心」：「因緣生法」-藏教。「緣生即空」-通教。「因緣即空即假」、「二觀方便入中道」-別教。「雙照二諦、悉是中道」-圓教。《法華文句記》卷 1〈釋序品〉：「此中既以因緣、教、迹而為觀境，不可復以藏通觀觀，是故但寄通別四句，寄約教義暫分別之。又為成四句，故借別教離為兩句，故第四句即是今經之妙觀也。」(T34, p. 160c8-12)

P. 34, L. -6【金龍陀】《妙法蓮華經文句》卷 5〈釋譬喻品〉：「本迹釋者，身子久成佛，號金龍陀，迹助釋迦為右面智慧弟子」(T34, p. 64, a19-21)智者《金剛般若經疏》卷 1：「須菩提翻空生。亦名善吉。或云東方青龍陀佛。」(T33, p. 76, c17-18)吉藏《金剛般若疏》卷 2：「須菩提者。此人本迹其事難知。三藏云。是本東方世界青龍陀佛。」(T33, p. 100, a2-3)《法華文句記》卷 1〈釋序品〉：「言龍陀佛者，真諦云：須菩提是東方青龍陀佛。有引《大寶積》云：「舍利弗成佛號金龍陀」，未檢。指此則知一切聲聞咸然，故見空生、身子之迹，則識一切聲聞之本。」(T34, p. 160, c19-23)

P. 34, L. -5【千二百比丘八萬菩薩】若見迹眾，亦應見其本眾。然本經比丘眾數為萬二千人（如 p. 40），菩薩摩訶薩八萬人（如 p. 61）；言「千二百比丘」者，應是以餘經多作此數而言迹眾。

P. 34, L. -5【又聞經心信無疑】《法華文句記》卷 1〈釋序品〉：「又聞經下，乃以觀心釋成觀心。能覺之心名佛，即此覺心名慧，亦即覺心通數具足，即此覺心與弘誓俱，名慈心淨。」(T34, p. 160c23-26)「慧數」：「慧」心所。《宗鏡

錄》卷 24〈1 標宗章〉：「黃蘗和尚云：諸佛與一切眾生唯是一心。更無別法。覺心即是。唯此一心即是佛。見此心即是見佛。佛即是心。心即是眾生。眾生即是佛。佛即是心。為眾生時。此心亦不減。為佛時。此心亦不添。但悟一心。更無少法可得。此即真佛。」(T48, p. 550b5-10)

P. 34, L. -3【或云聞如是】例如：《梵網六十二見經》卷 1：「**聞如是**：一時，佛遊於俱留國」(T01, p. 264, a23)《佛般泥洹經》卷 1：「**聞如是**：一時，佛在王舍國鷄山中」(T01, p. 160, b8)

P. 34, L. -3【大論云】《大智度論》卷 1〈序品 1〉：「佛弟子輩雖知無我，隨俗法說我，非實我也。譬如以金錢買銅錢，人無笑者。何以故？賣買法應爾。言我者亦如是，於無我法中而說我，隨世俗故不應難。」「世界法中說我，非第一實義中說。以是故，諸法空無我，世界法故，雖說我，無咎。」「問曰：聞者，云何聞？用耳根聞耶？用耳識聞？用意識聞耶？」「答曰：非耳根能聞聲，亦非耳識，亦非意識。能聞聲事，從多因緣和合故得聞聲，不得言一法能聞聲。何以故？耳根無覺故，不應聞聲；識無色無對無處故，亦不應聞聲；聲無覺亦無根故，不能知聲。爾時，耳根不破，聲至可聞處，意欲聞；情、塵、意和合故耳識生；隨耳識，即生意識，能分別，種種因緣得聞聲。以是故，不應作是難：「誰聞聲？」」(T25, p. 64, a16-c5)

P. 34, L. -1【適見如來】「適」：1. 去，往。19. 剛才，方才。～《漢語大詞典》

P. 35, L. 1【二並生戀慕善】依《會義》文，此「二」應指阿難、文殊各稱「我聞」時，大眾悲號。然依《文句》、《文句記》，應是指經論二文。《妙法蓮華經文句》卷 1〈序品〉：「阿難登高稱我聞，大眾應悲號，適見如來，今稱我聞，無學飛騰說偈。《**佛話經**》明文殊結集，先唱題、次稱如是我聞，時眾悲號。此為人釋也。」(T34, p. 4a2-6)《法華文句記》卷 1〈釋序品〉：「無學飛騰說偈者，佛初入滅，諸阿羅漢皆說偈云…於是飛騰各說偈…佛話文殊結集者，《**大論**》云：「文殊結集諸大乘經，亦皆先稱如是等五」，**經論二文**，並生戀慕之善。諸阿羅漢戀慕之極，故皆隨去。」(T34, p. 161a21-b3)

P. 35, L. 5【我見、我慢、名字我】《法華文句記》卷 1〈釋序品〉：「凡夫三種我者，見我即利使中我。「慢我」者，雖通一切利鈍凡夫，然諸凡夫皆於己

身以立宰主，雖非外計，並屬見思。若學人所伏，唯屬鈍使，雖無見我，思惟未盡，故云二種。世名我者，世流布一，凡聖共有，但聖無前二。」(T34, p. 161, b8-13)

《觀音玄義記》卷2：「凡夫三種我，謂見慢名字。學人二種，無學一種。見即利使，初果頓斷，故云學人二種。慢即頓使，四果方盡，故云無學一種。但隨世俗，分別彼此，有名字我。」(T34, p. 906, b23-26)

P. 35, L. 6【十住毗婆沙云】《十住毘婆沙論》卷2〈地相品 3〉：「復次樂觀一切法無我。是故無一切怖畏。一切怖畏皆從我見生。我見皆是諸衰憂苦之根本。是菩薩利智慧故。如實深入諸法實相故。則無有我。我無故何從有怖畏。問曰：是菩薩云何無有我心？答曰：樂空法故。菩薩觀身離我我所故。如說。

我心因我所 我所因我生 是故我我所 二性俱是空

.....

是故我非我 亦我亦非我 非我非無我 是皆為邪論

我所非我所 亦我非我所 非我非我所 是亦為邪論

菩薩如是常樂修空無我故。離諸怖畏。所以者何。空無我法能離諸怖畏。故菩薩在歡喜地。有如是等相貌。」(T26, p. 28, b24-c21)

《法華文句記》卷1〈釋序品〉：「故離四句方名無我。今但云無我，乃是即我無我，不云析破，故在通教。」(T34, p. 161b19-20)

P. 35, L. 7【大經云】《大般涅槃經》卷10〈一切大眾所問品 5〉：「我法最長子，是名大迦葉。阿難勤精進，能斷一切疑。汝等當諦觀，**阿難多聞士，自然能解了，是常及無常**。以是故不應，心懷於憂惱。」(T12, p. 428, a26-b1)

《法華文句記》卷1〈釋序品〉：「常無常義，同我無我，故也不二。登地雙照，地前照與分別，名異義同。」(T34, p. 161, b24-25)

P. 35, L. 9【此用圓教釋我也】《法華文句記》卷1〈釋序品〉：「圓教極故，義兼權實，以勝攝劣。故望一代，五味既別，所聞不同。」(T34, p. 161b25-27)